

光緒金華縣志

炎

緇

金

華

歸

志

十

卯

齊

光緒金華縣志

中華民國三十二年
余震東同治縣志

序

金華據東浙上游咸同之際中更板蕩志乘亟需續修然守缺抱殘往往格於成議今秋省局修輯通志徵集各屬縣志爲全書資料是時道光舊志翻印甫成卽寄一編以供采錄惟道光三年以後各種事實尙付闕如非全璧也嗣訪得光緒二十年續修志稿若干卷遂爲披覽覺旁徵博引事實視前志加詳體例標目與前志頗多出入當日襄事諸賢意見互歧商確未定志稿全帙遂束置總纂鄧子均孝廉家歲月遷流人事代謝纂修襄校諸賢太半作古賡颺繼續寂焉無聞嗟乎成事之難若此其甚毋乃斯文之厄耶今者閱時較遠相需正殷舍此稿本

別圖纂述非惟所聞所見未逮前人卽籌款設局財力日艱累月窮年功豈易竟爰商諸士紳向總纂後人商取稿本分任校讎隨時繕錄排印竟前人未竟之功省志甄錄既有取才此邦文獻聿徵美備一舉兩得斯之謂矣抑余更有說焉呂何王許俎豆千秋列傳詳載其事居稽之士景仰前徽束身名教俾人心風俗日進敦龐相是役者其欣幸曷有旣歟

中華民國四年十二月金華縣知事吳縣錢人龍撰并書

重印金華縣志序

蓋聞縣之有志猶國之有史也凡一邑之山川疆域土田戶口與夫政治之得失風俗之淳漓人才之盛衰物產之盈耗胥於志乎是徵此固稽古者所必需亦采風問俗者所攸賴也前歲秋予捧檄蒞事金華甫下卽搜求縣志倉卒不可得輾轉得之耆紳耆老之家耆紳爲余言縣志自前清道光間重修以後閱時幾百年至光緒中葉邑令某公始延聘蘭谿鄧子珣孝廉與邑中人士從事纂輯而一誤於意見之參差再沮於經費之艱困事遂中輟束稿於孝廉家者又二十餘年民國之四載吳縣錢友夔明府來知縣事乃斥貲購付鉛板然僅印二百數十部

故不久卽散佚垂盡也予聞之瞿然曰有是哉起墜振廢責在吾輩失今不圖將無及矣乃謀諸震東石印局主人竹溪金君重付鉛印余先貸其貲三之一其三之二金君任之再發書券廣勸同僚士庶預約來購應者三百餘部始事於癸酉十月今年五月告成書中一仍其舊第增入五區鄉鎮分圖五幀而已惟余略覽是書並取舊志相校其間多所出入而各有所見然志水利白蓮塘咸志在東一偶新志今未詳予曾過其地見塘址宛然特久澗而犁爲麥地耳赤松宮前爲赤松橋而楓漆橋甑橋當之按兩橋皆在上游甑橋早圯於水諸如此類皆未及攷正志人物則政事文苑各子目增者寥寥揆諸善善從長

之義亦未免失之太苛豈作者之於是書當日尙有未成者耶
夫金華素稱小鄒魯意必有博學潛修之士不忍鄉邦之文獻
日就凌夷而博采旁搜私相撰述者矣倘以是志爲椎輪闕者
補之誤者正之他日曾成巨帙與武功高陵朝邑諸志相頡頏
又何難哉此又爲予重印此書之微意也民國二十三年五月
上浣金華縣縣長青田朱浣青撰

光緒金華縣志凡例

一志擬自前明戚氏雄續修者胡氏頌入

國朝則王氏世功王氏治國趙氏泰甞黃氏金聲增輯漸廣自道光癸未迄今七十餘年中更浩劫志版無存書亦僅見此文獻絕續之交也若不及時纂修他日致人物之感嘉山川之阨塞風俗之淳漓賦役之繇簡懸金國門欲購其書而不可得非守土者之責亦邑人士之慙矣今鈎鉅叢殘纂成是志而大指不越補正二義匡之糾之則歟後之君子

一地志古謂之圖經宋張津修四明志謂輿地有圖古今共由前志亦云地形相錯非圖不明則圖學綦要矣晉之裴秀唐之賈耽元之朱思本皆精圖學者今中西新法開方計里量測兼施求之三角八綫而加以經緯度視古尤勝茲遵是法細加測量繪成各圖凡山川道里城市井疆裨閱者瞭然在目

一地以發名邑志當首列星野然斗牛女爲吳越分至隋始以女宿轉指吾郡異論紛如今推步家所弗尙張氏樞錄隨筆謂地志列星野不如列本地經緯度以求氣候中星爲有據斯言得其要矣茲本是指以金華北極出地二十九度

十分偏東三度二十一分復以黃赤大距二十三度二十七分衍成氣候昏旦更點中星表庶人人得以窺中星辨時刻而不爲分野之說所惑矣

一郡邑沿革用表此例肇自四明寶慶續志道光志亦列表而譌誤迭見觀者病之今補其闕正其失一以史志爲斷又舊表統部不列總督及巡道意謂是二者非守土專轄不知浙閩分疆設督部則爲兼圻嚴州舊隸浙西設巡道則屬浙東是故四郊之佩離由於州縣之并轄爲沿爲革尤攷輿地者所樂道焉山水二道前志仿益書體例附支於幹條理井然可謂方志中傑出之作茲仍其舊以完國廬真而間有訂正數處皆親攜儀器得諸實測不敢率爾操觚

一志書最重體例前志於門目分併亦似斟酌而出然如田賦命名不足槩樞戶口徭役鹽法諸目又如物產入疆域會廩入建置義均未安今立食貨總目而戶口徭役鹽法倉廩以次及從史例也

一道光志不載武備是爲闕典夫兵所以衛城池弭寇盜杜患於未萌其可書闕有間乎今立武備一門唐宋則考之史書元明則本之戚志

國朝則謹遵中樞政考及會典通考參之營冊凡營汛員弁兵額兵仗次第臚陳而

以歷代兵燹次之

一前志官師元始立表元以前則否今概列表以歸一律至歷官題名前志失載今補者八十人籍貫與出身前志未詳今攷定者五十人道光四年以後續增者一百五人得二百三十五人而宦績亦類有增輯焉惟地經兵燹案卷蕩然今得之故籍及各省通志父老傳聞者究屬寥寥勢絀力綿惟冀後賢匡其不逮

一唐宋元選舉道光志最爲疏外如張志和登明經科志列之辟薦是以諸科爲制科矣潘良貴以政和三年按徽宗本紀賜上舍生第在政和三年上舍釋褐爲辟雍博士見宋史

於五年復登進士第

南宋館閣雜錄潘良貴同東榜進士及第按五年榜首爲何處則良貴得第非莫儔榜

表列入二年莫儔榜

不特科分外錯且以舍選爲禮部試矣陳巖肖以紹興八年登博學宏詞科賜

同進士出身

見南宋館閣雜錄陳巖肖宏詞科始於紹興五年見宋史及玉海

表列九年黃公度榜

按宋高宗本紀賜黃公度及第在八年

年戊午不在九年已未且陳巖肖亦非禮部正奏名進士

注云中宏詞科

按宋史及玉海宏詞科始於紹興二年至政和元年改爲詞學兼茂科至紹興五年又改

爲博學宏詞科科目年分大不同

刪去博學二字則科目混淆墮入黃公度榜則以詞科之賜同

進士誤作廷試之賜同進士矣有元進士最不易得如大德十一年未嘗開科

安有進士又如張春芳廳公潮張琮名下注學錄教授教諭等官此皆會試落第推恩特授以慰其歸者乃表端冠以某某榜居然曲江朋籍是并元史選舉志亦未寓目也又表中止列進士鄉貢二目不知唐宋鄉貢無出身元世亦然士固有十餘舉而仍白衣者非若前明舉人南宮不捷遂可謁選也凡類此者不勝枚數今於表中劃分三途層遞列名以符選舉之制遇前志有誤者悉爲訂正

一戚志首傳道學道光志譏其適示吾道之隘以不立此目爲大公不知道學所以繼往聖開來哲其品原爲人物第一流金華釋理學名區一邑而從祀文廟者四人方志罕見戚志仿宋史例取冠列傳地因人重也今從之而改名理學一列女立傳權輿范書義不先男部居末著然元史以釋老次列女而震澤鎮志以列女載流寓釋道之前蓋寓賢雖有過化之稱不與我同籍者也二氏爲異端不與我同教者也五倫之序不先友朋比物此志耳茲排前傳以列女殿而以流寓方外附不嫌與舊志異也

一藝文例分四部茲仍其舊惟俗書不錄妖書不錄應試之制藝試帖不錄其先

正譚著概見於諸史及各藏書家著錄者必廣爲摭輯考異同稽存佚卽繫於各目之下視舊志爲詳

一金石與藝文並重前志云碑碣寥寥退存末簡竊謂不然勤摭訪則山川將發其祕精攷覈則史志可糾其譌發雖一隅豈無貞金吉石足攷攷證者今網羅概佚得金之品八石之品一百十有七皆前志所遺扇故易碑碣之目曰金石紀實也

一道光志以祥異兵燹古蹟遺事序錄辨證爲子目六名雜志今改古蹟入建置改兵燹入武備序錄不過仿史漢敘傳列後之例其實開卷卽登黃序已自亂其例今悉移於簡端至辨證乃修志之言豈得自標爲目且攷訂已概見各條又彙其說於書末則複矣今改雜志之目爲類要蓋事無類可歸而又爲志之要取宋謝維新合璧之義以名之其目凡五曰氣候昏旦更點中星表曰五行志曰遺事曰方言曰風俗必以風俗爲殿者緣滔滔數十萬言哀成巨帙而究其歸縮之義惟期俗美風淳爲今日修志之微意焉

一此次纂修校出道光志疏外約計一千餘條本應隨條附入惟辨證字數過多

志文隔絕反礙閱目茲擬別作校勘記數卷附於志書之後其可以一二語
證明者仍隨注於下

纂修姓氏

總纂

分修

鄧鍾玉 蘭縣舉人

謝駿德 縣學教諭 臨海舉人

劉綬 邑人拔貢生

朱志伊 邑人國學生

倪炳烈 邑人附貢生

郭啓周 邑人恩貢生

王養元 邑人恩貢生

金城 邑人恩貢生

俞晉福 邑人廩膳生

黃世基 邑人廩膳生

蔣世珍 邑人廩膳生

趙宗忭 邑人增廣生

應藻章 邑人增廣生

採訪

繪圖

董事

朱森 邑人 歲貢生

鄭保康 邑人 增廣生

葉寶池 邑人 文童

鄧文龍 關縣文童

鄧元涇 關縣文童

鄧薰 關縣文童

黃維嶽 邑人 同知銜

程錫元 邑人 州同銜

劉象拔 邑人 舉人 江西補用知縣

張樸 邑人 歲貢生

吳榮杰 邑人 拔貢生

(圖區城即)圖區一第縣華金

